

## Musim Layang-layang berlangsung di Thailand



Di Thailand, musim panas, bermula dari bulan Mac, adalah permulaan musim layang-layang. Sepanjang tempoh tahun ini, festival layang-layang diadakan di beberapa kawasan di negara tersebut. Festival layang-layang utama, yang disebut "Thailand International Kite Festival," diadakan setiap tahun pada bulan Mac untuk mempromosikan dan memelihara sukan tradisional ini.

Tahun ini, acara tersebut dijadualkan pada 23-25 Mac di Sekolah Pegawai Tidak Bertauliah Tentera Darat di Hua Hin, wilayah Prachuap Khiri Khan. Memperlihatkan 20 pasukan layang-layang dari pelbagai negara, termasuk Switzerland, Jerman, dan Perancis

Di antara layang-layang menarik dari seluruh dunia ialah, layang-layang raksasa dalam bentuk super hero dan watak kartun, serta bentuk-bentuk geometri. Terdapat juga persembahan muzik layang-layang revolusioner yang menakjubkan dan pertunjukan aksi layang-layang.

Festival bercirikan pameran layang-layang, yang menerapkan teknologi multimedia interaktif dalam menceritakan kisah layang-layang Thailand dengan cara yang menarik. Dijangkakan 30,000 rakyat Thailand dan pelancong antarabangsa akan mengunjungi festival tiga hari ini. kedai makanan karavan bergerak yang menawarkan hidangan khas Hua Hin juga turut diadakan.

Dianggap sebagai bentuk pesawat tertua, bermain layang-layang adalah sukan yang popular dan diminati oleh rakyat di seluruh dunia. Di Thailand, layang-layang menjadi popular sejak zaman Sukhothai, seawal abad Ke-13 hingga Ke-15. Simon de la Loubere, seorang utusan Perancis ke istana Ayutthaya semasa pemerintahan King Narai the Great, menggambarkan jenis dan reka bentuk layang-layang. Dia melaporkan bahawa layang-layang adalah sukan diraja pada musim kering dan sejuk.

Tanglung turut dilekatkan pada layang-layang, membuatnya kelihatan seperti bintang di langit. Permainan layang-layang sangat terkenal pada masa pemerintahan King Mongkut (Rama IV), rakyatnya dibenarkan bermain layang-layang di Sanam Luang dan mengadakan pertandingan layang-layang di Istana Dusit di Bangkok. Sukan tradisional ini semakin terkenal semasa pemerintahan King Chulalongkorn (Rama V), apabila dipromosikan sebagai salah satu acara tahunan kebangsaan.

Pembuatan layang-layang adalah seni. Jenis layang-layang yang paling popular adalah wao chula dan wao pakpao. Kedua-duanya adalah layang-layang Thailand yang terkenal dan dikenali sebagai lambang sukan kebangsaan ini. Pertarungan udara yang mereka sertai adalah pertandingan layang-layang yang paling menarik di Thailand.

Bermain layang-layang tetap menjadi permainan popular sehingga ke hari ini, terutama di wilayah tengah dan selatan. Musim kering dan panas menjadi musim bermain layang-layang di Thailand.

Tarikh Diterbitkan: 24 Mac 2018